



ТОШКЕНТ ОҚШОМИ

Газета 1966 йил 1 июлдан чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 116 (11.927)

Баҳоси эркин нарҳда

УЗОҚ МУДДАТЛИ МАНФААТЛАРГА АСОСЛАНГАН ҲАМКОРЛИК

Аввал хабар қилинганидек, Ўзбекистон Президенти Ислон Каримовнинг таклифи билан Россия Президенти Дмитрий Медведев 13 июнь куни амалий ташриф билан Тошкентга келди.

Ўзбекистон Республикаси Президенти Ислон Каримов билан Россия Федерацияси Президенти Дмитрий Медведевнинг учрашуви бўлиб ўтди.

Давлатимиз раҳбари меҳмонни юртимизда ташрифи билан самимий қутлар экан, Россия Президентининг Ўзбекистонга ташрифи юксак даражадаги ўзаро муносабатларнинг яққол далили эканини таъкидлади. Бу икки мамлакат халқларининг узоқ муддатли манфаатларига хизмат қилувчи барча соҳалардаги ҳамкорликни мустақамлаш борасидаги катъий сиёсий интилишларнинг тасдиғидир.

Томонлар бугунги кунда мамлакатларимиз ўртасидаги ҳамкорлик барча йўналишларда изчил ривожланиб бораётганини кайд этди. Сиёсий, савдо-иқтисодий, маданий-гуманитар соҳалардаги ҳамкорлик ўз самараларини бермоқда.

Россия Ўзбекистоннинг савдо соҳасидаги энг йирик ҳамкорларидандир. Ўзаро савдо ҳамжи мутасил ўсмоқда. Ўтган йили бу соҳада қарий 50 фоиз ўсишга эришилди ва товар айирбошлаш ҳажми 6,4 миллиард АҚШ доллари ташкил этди.

Иқтисодий ҳамкорлик бўйича Ўзбекистон-Россия ҳукуматлари оммисиясининг жорий йил 31 май кунини бўлиб ўтган мажлисида янги тармоқлар ва маҳсулотларни жалб қилиш ҳисобига иқтисодий ҳамкорликни янада ривожлантириш масалалари кўриб чиқилди.

Ўзбекистон Россияга табиий газ, транспорт ва коммуникация хизматлари, транспорт воситалари, қишлоқ хўжалиги ҳамда тўқимачилик маҳсулотлари ва бошқа

маҳсулотларни экспорт қилади. Россиядан Ўзбекистонга рангли ва қора металл, механик ва электр асбоблари, ёғоч ва ёғочни қайта ишлаш саноати маҳсулотлари импорт қилинади.

Қишлоқ хўжалиги соҳасидаги ҳамкорлик фаоллашиб, Ўзбекистондан Россияга мева ва сабзавот етказиб бериш ҳамжи ўсмоқда. Қишлоқ хўжалиги соҳасидаги ҳамкорлик динамикаси ва диверсификацияси қўшма корхоналар сони кўпайиб бораётганида яққол намоён бўлмоқда. Мамлакатимизда 843 Ўзбекистон — Россия қўшма корхонаси фаолият кўрсатмоқда. Шунингдек, Россиянинг 135 фирма ва компанияси мамлакатимизда ўз ваколатхонасини очган. Россия Федерациясида Ўзбекистонлик шериклар иштирокида тузилган 385 қўшма корхона ишлаб турибди.

Сарможий ҳамкорлик кўлами ҳам кенгайиб бормоқда. Бу борада гап кетганда, ёқилғи-энергетика мажмуи, геологоразведка, конларни қидириш ва ўзлаштириш соҳасида инфратузилмаларни ривожлантириш мақсадида «Газпром», «Лукойл», «Союзнефтегаз», «Стройтрансгаз», «Волга-Бурмаш» каби компаниялар билан ҳамкорликда амалга оширилаётган кенг миқёсли ишларни алоҳида кайд этиш жоиздир.

Таълим, маданият, соғлиқни сақлаш, сайёҳлик ва бошқа соҳаларни қамраб олган гуманитар ҳамкорлик ҳам кенгайиб бормоқда.

Фан ва таълим соҳасидаги алоқалар устувор аҳамият касб этди. Г.Плеханов номидаги Россия иқтисодиёт университети, М.Ломоносов номидаги Москва давлат университети ва И.Губкин номидаги Россия давлат нефть ва газ университетининг Тошкент фили-

аллари фаолияти мазкур йўналишдаги ҳамкорлик самараларига ёрқин мисолдир.

Олий даражадаги Ўзбекистон — Россия учрашувида икки томонлама ҳамкорликка оид муҳим масалалар билан бир қаторда халқаро сибсатга доир долзарб муаммолар ҳам кўриб чиқилди. Жумладан, Марказий Осиёда сув-энергетика ресурсларидан оқилона фойдаланиш масалалари муҳокама қилинди. Минтақанинг трансчегаравий дарёларида гидротехник иншоотлар қуриш учун қўшни мамлакатларнинг розилигини олиш ҳамда бундай лойиҳаларни мустақил халқаро экспертизадан ўтказиш зарурлиги таъкидланди.

Томонлар минтақадаги вазиятни ҳам муҳокама қилдилар. Барқарорлик ва хавфсизликни мустаҳкамлашда ўзаро ҳамкорлик муҳим аҳамият касб этиши кайд этилди. Афғонистонда тинчлик ўрнатилиши давлатлараро ва минтақаларо ҳамкорликни ривожлантиришда муҳим аҳамиятга эга экани таъкидланди.

Ислон Каримов ва Дмитрий Медведев икки томонлама муносабатларга доир муҳим масалаларни атрофлича муҳокама қилдилар. Олий даражадаги мазкур учрашуви ўзаро муносабатлар ва томонларни қизиқтирган бошқа кўлаб долзарб масалалар юзасидан ёндашувларни солиштириб олиш учун яхши имконият бўлди. Эришилган келишувлар яқин истиқболда Ўзбекистон ва Россия халқлари фаровонлигига хизмат қиладиган ҳамкорликни янада ривожлантиришга йўналтирилган аниқ ҳужжатлар, ўзаро манфаатли лойиҳалар учун асос бўлиши шубҳасиздир.

(ЎЗА)

ЎЗБЕКИСТОН ПРЕЗИДЕНТИ ОСТОНА ШАҲРИГА КЕЛДИ

ОСТОНА. 14 июнь. ЎЗА махсус муҳбири Анвар БОБОЕВ хабар қилади.

Ўзбекистон Республикаси Президенти Ислон Каримов 14 июнь куни Шанхай ҳамкорлик ташкилотига (ШХТ) аъзо давлатлар Давлат раҳбарлари кенгашининг навбатдаги мажлисида иштирок этиш учун Қозоғистон пойтахти Остона шаҳрига келди.

Ушбу учрашув Ўзбекистон, Қозоғистон, Хитой, Қирғизистон, Россия ва Тожикистон давлатлари томонидан 2001 йил 15 июнда асос солинган ШХТнинг юбилей саммитидир.

Ўтган ўн йил янги халқаро тузилманинг шаклланиш жараёнида муҳим босқич бўлди. Ушбу тарихан қисқа даврда ШХТ ҳозирги замон геосиёсатини белгилувчи муҳим омилардан бирига айланди. Шу билан бирга, давлатимиз раҳбари ўтган саммитлардан бирида таъкидлаганидек, «ШХТ умумий чегаралар, яқин тарихий-маданий, анъанавий сиёсий, иқтисодий ва гуманитар алоқаларга эга давлатларнинг тенг ҳуқуқли бирлашмаси бўлиб, унинг фаолияти бошқа мамлакатларнинг манфаатларига қарши қаратилмаган ва қарама-қаршилик қиладиган блок хусусиятига эга эмас».

Ўтган 10 йил мобайнида ШХТда замонавий хавф-хатар ва таҳдидларга қарши курашиш соҳасидаги қўшма лойиҳаларни амалга оширишни, ШХТга аъзо давлатлар ва умуман, бутун минтақани барқарор иқтисодий ривожлантиришни таъминлаш, социал-маданий соҳада ҳамкорликни кенгайтириш учун муҳим шартномавий-ҳуқуқий асос яратилди.

Ўзбекистон ШХТдаги иштирокига улкан масъулият билан ёндашади. Мамлакатимизнинг 2004 ва 2010 йилларда мазкур ташкилотга раислик қилгани, Ўзбекистон ташаббуси билан ушбу ташкилот фаолиятида муҳим аҳамият касб этувчи ҳужжатлар, жумладан, ШХТга янги аъзоларни қабул қилиш тартиби тўғрисидаги низомни тасдиқлаш, ШХТ процедуралари қондаларини тасдиқлаш тўғрисидаги қарорлар ишлаб чиқилгани ва қабул қилингани бунинг тасдиғидир. Шунингдек, Ўзбекистон раислиги даврида БМТ ва ШХТ котибиятлари ўртасида ҳамкорлик тўғрисидаги Қўшма декларация имзоланди.

Саммитнинг биринчи кунини дастури доирасида ШХТга аъзо давлатлар, қузатувчи давлатлар раҳбарлари ва бошқа иштирокчилар учун «Қозоғистон» марказий концерт залида юбилей концерти намойиш этилди.

Шу кунини ШХТнинг 10 йиллигига бағишланган бошқа тадбирлар ҳам бўлиб ўтди. ШХТ саммити 15 июнь куни ўз ишини давом эттиради.

Тақдим этилган ҳужжатда сув ресурсларини тартибга солиш ва тежашни рағбатлантириш Ўзбекистоннинг ижтимоий йўналтирилган давлат сибсатининг муҳим йўналишларидан бири эканлиги алоҳида таъкидланди. Жумладан, мамлакатнинг табиати муҳофаза қилиш борасидаги халқаро меъёрларга тўлиқ жавоб берадиган даражада шакллантирилган миллий қонунчилиги мунтазам равишда такомиллаштириб бормоқда. Шунингдек, Ўзбекистон Республикаси атроф-муҳитни муҳофаза қилиш ва барқарор ривожланиш соҳасидаги асосий халқаро ҳужжатларга, трансчегаравий сув ресурсларидан фойдаланиш бўйича БМТ Конвенциясига қўшилди.

Яқуний ҳужжатда асосий эътибор минтақанинг барча давлатлари томонидан халқаро сув ҳуқуқи меъёрлари ва тамойилларининг қабул қилиниши ҳамда уларга сўзсиз риоя этилиши, Ўрта Осиёда барқарор ривожланиш тамойилларини илғари суриш ва экологик мувозанатни сақлаш, трансчегаравий сув ресурслари ва сув хўжалиги инфратузилмасини биргалликда тартибга солиш ҳамда фойдаланиш самарадорлигини ошириш мақсадида минтақа давлатларининг ҳамкорлигини мустаҳкамлаш зарурлигига қаратилган.

«Жаҳон» АА, Нью-Йорк

БМТнинг Нью-Йоркдаги қароргоҳида жорий йилнинг 12-13 май кунлари Умумжаҳон сув кенгаши кўмагида Тошкент шаҳрида бўлиб ўтган, 2012 йилнинг март ойида Франциянинг Марсель шаҳрида ўтказилган VI Умумжаҳон сув форумига тайёргарлик доирасидаги «VI Умумжаҳон сув форуми сари – сув хавфсизлиги йўналишида ҳамкорликдаги саяҳатлар» мавзудаги халқаро конференция якунлари тўғрисидаги ахборотни ўзида мужассам этган «Сув ресурслари – барқарор ривожланиш ва келажак тараққиёти асосидир» номли якуний ҳужжат тарқатилди.

У БМТ ҳузуридаги 192 давлат миссияси ҳамда БМТнинг асосий тузилмавий бўлимлари ва ташкилотлари ўртасида 6 та расмий тилда тақдим этилди.

Тадбирда дунёнинг 32 мамлакатидан 350 дан зиёд экспертлар, олимлар ва экология соҳаси мутахассислари катнашди. Улар атроф-муҳитни муҳофаза қилиш, табиий ресурслар, хусусан, сув ресурсларини сақлаш кейинги пайтларда долзарб аҳамият касб этаётганини таъкидлашди. Шу ўринда бугунги кунда сайёраимизда бир миллиарддан ортиқ киши тоза ичимлик сувидан фойдаланиш имкониятидан маҳрум экани кайд этилди.

Мазкур ҳужжатда Ўзбекистон Республикаси Президенти Ислон Каримовнинг конференция иштирокчиларига йўллаган қутлов мурожаатида келтирилган минтақадаги трансчегаравий дарёларнинг сув ресурсларидан тўғри фойдаланиш муаммоларига Ўзбекистоннинг асосли ёндашувлари, давлатимиз раҳбарининг минтақадаги ҳар бир давлат томонидан умум

қабул қилинган халқаро сув ҳуқуқи меъёрлари ва қондалари асосида трансчегаравий дарёлар сувларидан фойдаланишда тенгликни таъминлаш, ҳар бир

ТОШКЕНТ ФОРУМИНИНГ ЯКУНИЙ ХУЛОСАСИ БМТ ДИҚҚАТ-ЭЪТИБОРИДА

давлат учун ўзаро манфаатдорлик ва адолат билан фойдаланишга кафолат берадиган самарали минтақавий ҳамкорлик механизмини яратиш борасидаги таклифларига алоҳида эътибор қаратилган. Шунингдек, унда Тошкент халқаро анжумани вакиллари Ўрта Осиёда Орол денгизининг қуриши билан боғлиқ экологик муаммони муҳокама қилишгани ҳақида маълумот берилди. Хусусан, халқаро кон-

ференцияда минтақадаги ҳар бир давлат ҳудудидagi трансчегаравий дарёларнинг сув ресурсларидан фойдаланишда сув оқими бўйидаги бошқа давлатларга

зарар етказилишига йўл қўймаслик ҳақида гап борди. Тадбирда сўзга чиққан хорижий экспертлар Амударё ва Сирдарёнинг юқори оқимида жойлашган мамлакатларнинг трансчегаравий сув ресурсларидан ноқилона фойдаланишга интилишлари амалдаги халқаро меъёрларнинг бузилишига сабаб бўлиб, барчани жиддий ҳавотирга солаётганини таъкидлашди.

МАМЛАКАТИМИЗДА

- Олий Мажлис Қонунчилик палатасида Аграр ва сув хўжалиги масалалари кўмитасининг Ўзбекистон Республикаси Давлат бюджетининг 2010 йил ва 2011 йилнинг биринчи чорағидаги ижросига бағишланган кенгайтирилган йиғилиши бўлиб ўтди. Унда қуйи палата депутатлари, тегишли вазирлик ва идоралар ходимлари ҳамда ОАВ вакиллари иштирок этдилар.

- Сирдарё вилоят ҳокимлигида кичик бизнес ва хусусий тадбиркорлик соҳаларини самарали ривожлантириш масалаларига бағишланган семинар бўлиб ўтди.

- Ўрта Чирчиқ тумани саноат ва сервис касб-хунар коллежида ўрта махсус, касб-эҳна тарғибли муассасалари ўқувчилари ўртасида ўтказилаётган «Барҳаёт анъаналар» фестивалининг Тошкент вилоят босқич бўлиб ўтди.

- Жорий йилнинг тўрт ойи давомида Навоий вилоятида 460 та кичик корхона ташкил этилган бўлиб, улардан 110 таси қишлоқ хўжалиги соҳасида фаолият кўрсатмоқда.

- Форишлик тадбиркор Лобар Каримова саяҳатчи билан паррандачиликка ихтисослаштирилган «Асадбек-Ҳамкор бизнес» хусусий корхонаси ташкил этилди. Ушбу мақсадни амалга ошириш учун тадбиркорга банкнинг 22 миллион сўмлик кредити қўл келди. Ҳозир хусусий корхонада 5 мингта товуқ саноат усулида парвариш қилинмоқда.

- Тайлоқ туманилик тадбиркор Исрофил Пўлатов полиэтилен маҳсулотлар ишлаб чиқаришга мўлжалланган лойиҳани амалга оширди. Салкам 796 миллион сўмлик маблағ эвазига барпо этилган «Мир Умар» корхонаси фойдаланишга топширилиши билан 20 та иш ўрни яратилди.

- Бухоро вилояти ҳокимлиги, «Ўзбекистон туризм» миллий компанияси ва бир қатор нодавлат ташкилотлар ҳамкорлигида анъанавий «Ипак ва зираворлар» фестивали ташкил этилди. Унда нафақат мамлакатимиз, қўшни давлатлардан ҳам халқ амалий санъати усталари қатнашгани, ушбу фестивалга қизиқиш катта эканлигини кўрсатди.

ЖАҲОНДА

- Халқаро валюта жамғармаси раҳбари лавозимига номзодларнинг номи эълон қилинди. Франция молия вазири Кристин Лагард ва Мексика Марказий банки раҳбари Аустин Карсенс ушбу лавозимга давтоғарлик қилишмоқда. Жамғарма янги раҳбарининг номи июнь ойининг охирига қадар маълум бўлади.

- Туркиядаги парламент сайловлари натижаларига кўра бошқарувчи партия — Адолат ва тараққиёт партияси галаба қозонди. Ушбу партия 50,1 фоиз овоз тўплашга муваффақ бўлди ва парламентдаги 550 ўриндан 326 тасини қўлга киритди. Ушбу галаба Адолат ва тараққиёт партиясига битта партияли ҳукуматни шакллантириш, унинг бошқарувчиси Режеп Тайип Эрдоганга эса учинчи бор бош вазир лавозимини эгаллашга имкон яратди.

- Бурятияда ўрмон ёнғинлари авжига чиқмоқда. Жумладан, тайгадаги 2,5 минг гектар ҳудуддаги ўрмон ёнғинларини жиловлашга 800 нафар ўт ўчирувчи ва 100 дан ортиқ техника воситалари жалб этилган. Ушбу табиий офат муносабати билан ўлканинг тўртта районида фавқулодда ҳолат режими жорий этилди.

- Менделеев жадвали иккита янги элемент билан бойиди. «Ununquadium» ва «Ununhexium» деб номланган мазкур янги элементлар АҚШнинг Ливермор миллий лабораторияси ҳамда Россиянинг Бирлашган ядро тадқиқотлари институтининг ходимларининг уч йиллик изланишлари натижасида яратилди. Олимларнинг таъкидлашича, ушбу кимёвий элементларга ҳозирча таҳминий ном берилиб, расман қандай аталиши кейинроқ маълум қилинади.

- Бразилиядан Аргентина ва Уругвайга учадиган ҳаво кемалари парвози вақтинча тўхтатилди. Бунга Чилидаги Пуйеуэй вулқонининг уйғониши сабаб бўлган. Ҳозир ҳам вулқондан қайноқ лавалар отилиши давом этмоқда. Мамлакатнинг жануби-шарқда жойлашган вулқондан қандайдиган қора тўтулар 13 километр баланликкача кўтарилган.

ҚИСҚА САТРЛАРДА

Тошкент шаҳар ҳокимлигининг Ахборот хизмати ва ўз муҳбирларимиз хабарларидан.

✓ **КЕЧА** «Ўзтрансгаз» акционерлик жамиятида Маънавият тарғибот марказининг Яққасарой туман бўлими ташаббуси билан Президентимизнинг «Юксак маънавият — энгилмас куч» асари мазмун-моҳиятини оммага тарғиб этиш мақсадида маънавий-маърифий тадбир ўтказилди.

✓ **БУГУН** Мирзо Улуғбек номидаги маданият ва истироҳат боғида Агрисаноат мажмуаси ходимлари касабга уюшмаси Тошкент шаҳар Кенгаши «Агрисаноатчи» МСС клуби билан ҳамкорликда тизимдаги корхона ва ташкилотлар касабга уюшмаси фаоллари ўртасида спорт мусобақалари уюштирилди.

✓ **БУГУН** Ўзбекистон Бадиий академияси Халқаро маданият карвон саройида археология соҳасидаги ёш олимларни рағбатлантирувчи Иқую Хироюма мукофоти билан тақдирлаш маросими бўлиб ўтди.

Ёшлар — келажакимиз

БИТИРУВЧИЛАРГА ДИПЛОМ ТОПШИРИЛДИ

Айни кунларда юртимиздаги барча олий ўқув юртрадида битирувчи магистрант ва бакалаврларга диплом топшириш маросими ўтказилмоқда. Жумладан, Тошкент Автомобиль ва йўллар институтида ташкил этилган битирувчиларга диплом топшириш маросими катта тантананага айланди.

Тадбирни институт ректори Мадамин Арипжонов кириш сўзи билан очиб, битирувчи ёшларни муборакбод этар экан, келгусида Ватанимиз тараққиётига муносиб хисса қўшади деган етук мутахассис бўлиб етишишларига тилак билдирди. Шунингдек, тадбирда «Узавтоўйл» ДАК «Автомобиль йўлларини эксплуатация қилиш» бошқармаси бошлиги В.Агзамов, Ўзбекистон Республикаси Дарё ва транспорт агентлиги бошлиги ўринбосари Ш.Шо-вахобовлар битирувчиларни табриклаб, мамлакатимизда Президентимиз ташаббуси билан транспорт ва автомобиль йўлларини қуриш ва таъмирлаш соҳасида амалга оширилаётган улкан бунёдкорлик ишлари ҳақида тўхталишди. Келажакда бугунги битирувчиларни ҳам ана шундай салмоқли ишлар кутиб турганини ва иқтисодий эҳтишимизнинг қайси соҳаларида ишлашмасин устозларидан олган билимларини янада оширишлари, мамлакатимизни бундан-да ривожлантиришида бор

куч ва маҳоратларини ишга солишга чақириб қолишди. Институтнинг фахрий профессорлари О.Ғаниходжаев ҳамда А.Қодировлар ҳам битирувчиларни табриклаб, уларнинг келгуси ўқиши ва ишларида зафарлар тилашди. Тадбирда битирувчи ёшлар ҳамда уларнинг ота-оналари ҳам сўзга чиқиб, чуқур билим ва ҳаётга йўланма берган барча устозларга миннатдорчиликларини изҳор этдилар.

Шундан сўнг битирувчиларга тантанали равишда дипломлар топшириш маросими бошланди. Дастлаб, магистратура битирувчилари, сўнг Автотранспорт, Автомобилсозлик, Йўл қурилиши, Касб-би таълим ҳамда Иқтисод ва бошқарув факультети битирувчиларига институтнинг нуфузли меҳмонлари ва фахрий устозлар томонидан дипломлар топширилди.

— Бугун ҳурсандчилигимнинг чеки йўқ, жуда ҳам бахтиёрман, — деди ҳаяжон билан магистратура битирувчиси, Бериуний стипендиёси совриндори, «Келажак

овози» Республика танлови соҳибига Жаҳириддин Абдуназаров. — Шундай нуфузли олий ўқув юртида таълим олганимдан фахрланаман. Мана олий ўқув юртининг магистратура босқичини ҳам тамомладим. Биз ёшларга сидқидилдан билим берган фидойи устозларимизга чин дилдан раҳматлар айтаман. Келгусида уларнинг берган билимларини яна ҳам бойитиб, ишончларини оқлашга, етук мутахассис бўлиб, юртимиз иқтисодиёти раванқига муносиб хисса қўшишга ҳаракат қиламан.

Шу кун битирувчи ёшларнинг қалбида чексиз қувонч уфуриб турди, уларнинг устозларига билдирган дил изҳорларидан, ширин каломларидан ўқитувчиларнинг қалбида ифтихор туйғуларини янада ортди. Улар олий ўқув юрти бағридан оқ кабутардек учирма бўлаётган битирувчи ёшларга парвозлари янада баланд бўлиб, йўллари ҳам, эзгу ниятлари ҳам ойдан бўлишини тилаб қолдилар.

Дилором ИКРОМОВА



Таътил мароқли ўтмоқда



МАШРИҚЗАМИН — ҲИКМАТ БЎСТОНИ
ҲИКМАТЛАР ГУЛДАСТАСИ
ИНСОН ФАЗИЛАТЛАРИ ҲАҚИДА
Имонли одам эгри кўчадан ҳам тўғри юради.
Ҳар бир одамнинг хислатлари — бетакрор.
Яхши фазилат одамни одам билан яқинлатади.
Ҳар бир одамнинг бошқалар билмаган сифатлари бор.
Одамнинг билими ошган сари, яхши фазилати кўпая боради.
Инсоннинг руҳий ҳолати унинг мавқеини кўрсатади.
Дунёни оқиллар билан меҳнатсеварлар обод қилган.
Ҳаётда — биров оқим билан кетса, биров қарши сузиб ҳам билади.
Эзгу хислатлари элга синган одам — вафотидан сўнг ҳам яшайверади.
Фахрланиш бошқа, кибрланиш бошқа.
Ёмонлик кулса, яхшилик йиғлайди.
Яхши бўлиш — аста-аста,
Ёмон бўлиш — бир пасда.
Яхши иззат қилишга ундайди,
Ёмон изза қилишга.
Бўйнидаги бурчини билмаган — бебурддир.
Имонсиз одам отаётган ўқига нўноқни камон қилади.
Зўрликнинг ҳосили — ҳўрликдир.
ҚОБИЛИЯТ ҲАҚИДА
Ишнинг кўзини билиш — қобилият нишонаси.
Қобилият одамни элга танитади.
Билим ва меҳнат — қобилиятнинг тарбиячилари.
Қобилиятни ўз йўли ва сўқмоқлари бор.
Одам ўз қобилиятини қай даражада эканини ичида билади.
Кўзда акс этган нарсани дилда акс этиши қобилиятга боғлиқ.
Одамларнинг қобилиятлари шахмат доналаридек хилма-хил.
Мулоқот учун ҳам қобилият керак.
Одамнинг қобилияти — ютуқлар замини.
Ғолибнинг юзи қизилу, тили узун.
Имтиҳон — қобилият галвири.
(Давоми бор)

Бу ердаги салқин ва озода хоналар, устига-устак нон исидек азиз китоблар ҳиди димоққа хуш ёқади. Шуниси ҳам аниқки, масофа-ю манзилларни ортда қолдириб келганлар бу маскандан фақат бир нарсани сўроқлайди. Яъни китобни.

Бугунги кутубхоначи нафақат китобларни сақлаш жараёнида иштирокчи, балки китобхоналарни китоблар оламига олиб киришда ўз ҳиссасини қўшувчи маърифатпарвар бўлиши ҳам лозим. Ҳозирда йигирмадан ортиқ бўлим ўз

қидирув йўли орқали калит сўз, сарлавҳа, йиллар ёки нашриёт номлари билан зарур манбаларни топиш мумкин. Жорий йилнинг январь ойидан бошлаб, Республика ахборот-кутубхона маркази ҳамда Миллий кутубхона катало-

Мазкур ҳужжат халқаро китоб алмашишуви, илмий ютуқларни амалиётга жорий этиш, ўзаро тажриба алмашиш қолаверса, икки қардош халқ ўртасидаги муносабатларни янада мустаҳкамлашга хизмат этади.

Истиқлол уфқлари
КУТУБХОНА —
САОДАТ МАНЗИЛИ САРИ ЙЎЛ

йўналишида ўқувчиларга хизмат этиб келмоқда. Албатта, китобларни сақлаш бизнесинг фаолиятимизда муҳим ишлардан биридир. Бизгача етиб келган кўлёмалар, аҳдодаларимизнинг маданий мероси замонавий технологиялардан кенг фойдаланган ҳолда сақланмоқда. Масалан, электрон каталоглар, электрон ресурсларни яратиш ишлари жадвал олиб борилмоқда. Айни шу йўналишда 1998 йилдан бошлаб, кутубхонамизда «Ирбис» (Автоматлаштирилган кутубхона каталогини тузиш) дастури асосида электрон каталоглар яратилди. Унда 120 мингдан зиёд ҳужжатларнинг библиографик тавсифи берилган бўлиб, унинг ёрдамида фонддаги адабиётларнинг электрон маълумотлар базаси яратилди. Қисқа вақт ичида йигирма хил

гизаторлари билан бирга, 1970 йилдан 2000 йилларгача бўлган даврдаги китобларнинг ретро конверсияси яратилди. Буларнинг барчаси кутубхонамиз фаолиятини фойдаланувчилар учун кенг қўламли имкониятларни яратиб беради деб ўйлайман.

Халқаро ҳамкорлик ишлари ҳам кутубхона фаолиятида муҳим аҳамиятга эга. Шу кунга қадар Малайзия, Польша, Эрон, Миср, Россия, Қозоғистон, Украина миллий кутубхоналари билан ўзаро битимлар имзоланган. Хусусан, шу йил 5 майдаги Туркменистон Президентини Гурбангули Берdimухамедовнинг ташрифи давомида Миллий кутубхонамиз ҳамда Туркменистон Миллий кутубхонаси ўртасида ўзаро ағлашув меморандуми ҳам имзоланди.

Наргиза АСАДОВА,
«Туркистон-пресс»

Болаларни соғломлаштириш, бўш вақтларини мазмунли ўтказишлари учун «Соғлом авлод учун» халқаро хайрия жамғармаси бир қатор тадбирларни амалга оширмоқда. Айниқса ижтимоий ҳимояга муҳтож оилалар фарзандларини қўллаб-қувватлаш мақсадида болаларнинг таътил кунларини мароқли ўтказишлари учун жамғарма қатор ташкилотлар билан ҳамкорликда соғломлаштириш оромгоҳларини ташкил этмоқда.

Ёз —ўтади саз
«СОҒЛОМ АВЛОД»
БОЛАЛАР
ОРОМГОҲИДА

Нафақат ёз ойларида, балки болажонларнинг кишики таътил вақтларида ҳам соғломлаштириш оромгоҳлари фаолиятини йўлга қўйиш яхши аниҳанага айланган. Жорий йилнинг 2-12 январь кунлари «Соғлом авлод учун» жамғармаси Россия Федерациясининг Ўзбекистондаги элчихонаси ҳомийлигида Тошкент вилояти «Бўстон» дам олиш масканида ушбу виллоятдан 145 нафар 9 ёшдан 12 ёшгача бўлган кам таъминланган оилалар фарзандлари учун кишики оромгоҳ ташкил этган. Болажонларимизнинг кўнгили-

ли дам олишлари учун оромгоҳда турли маънавий-маърифий, маданий ва спорт тадбирлари, давра суҳбатлари ҳамда интеллектуал ўйинлар ўтказилди. Ёзги таътил давомида эса бу ишларнинг қўламини янада кенгайтириш режалаштирилган. Ушбу хайрли ишларнинг дебачаси сифатида жамғарманинг тиббий —ижтимоий маркази қошида Юнусобод тумани ҳокимлиги билан ҳамкорликда Тошкент шаҳрида истиқомат қилувчи 200 нафарга яқин кам таъминланган оилалар фарзандлари учун

12 кунлик «Соғлом авлод» болалар оромгоҳи ташкил этилди. Яқинда оромгоҳнинг очилиш маросими бўлиб ўтди. «Соғлом авлод» оромгоҳи тўрт сменада ўқувчиларни қабул қилиб, ҳар бир сменада 50 нафарга яқин болажонлар хордиқ чиқарадилар. Уларнинг мазмунли дам олиши учун барча шарт-шароитлар яратилган. Ушбу соғломлаштириш масканида болалар учун турли тўғарақлар, маданий-маърифий тадбирлар, интеллектуал ўйинлар, спорт мусобақалари ўтказилади.

Ўғил-қизларнинг ёзги оромгоҳларда мириқиб дам олиши уларнинг келгусида аъло ўқишлари ва соғлом, бакуват бўлиб вояга етишларида муҳим аҳамият касб этади. Зеро, фарзандлари соғлом юрт қудратли бўлур.

Гулором ҲАМИДОВА

Спорт янгилликлари
СИНОВ ЎЙИНЛАРИ ДАВОМ ЭТАДИ

Буюк Британия пойтахти Лондон шаҳрида 2012 йилда уюштирилмаган XXX ёзги Олимпиада ўйинларида иштирок этишни режалаштирган Ўзбекистон олимпия терма жамоаси футболчилари кунни кеча пойтахтимизга қайтиб келишди.

Гап шундаки, Олимпиада ўйинларининг саралаш турнирига ҳозирлик кўраётган олимпия терма жамоамиз Австрияда ташкил этилган халқаро турнирда омадини синиб кўрди. Дастлаб Албанияга 0:1 ҳисобида енгилган олимпиячиларимиз, исроиллик чарм тўп ustalарини 2:0 ҳисобида мағлуб этишди. Айрим сабабларга кўра Голландия олимпия терма жамоаси ушбу турнирнинг гуруҳ босқичида қатнашмади.

Ушбу турнирда қатнашиб Тошкентга қайтиб келган Марат Мифтахутдинов ва Тоҳир Копадзе шогирдлари энди 14 июнда Сурия олимпия терма жамоаси билан Тошкентда куч сынашишди.

МЕДАЛЛАР ШОДАСИ

Хитойнинг Сучжоу шаҳрида Осие енгил атлетика федерациясининг Гран-при туркумига кирувчи халқаро турнирида иштирок этган мамлакатимиз енгил атлетикачилари шахримизга медаллар шодаси билан қайтишди.

Жумладан, Қушанда ўтказилган мусобақада терма жамоамиз аъзолари бешта медалга эгаллик қилишди. 100 метрга югуришда Гузал Хуббиевага, баландликка сакраш бўйича Светлана Радзевицкага тенг келадиган рақиб топилмади. Олтин медалларни қўлга киритган спортчиларимиз шарафига Ўзбекистон маҳдириси янграб, байроғимиз баланд хилпирлади. 800 метрга югуришда қатнашган Анна Сидоровага кумуш медал таъин этилди.

Шунингдек, Сучжоу шаҳрида енгил атлетика бўйича ташкил этилган Гран-при мусобақасининг югуриш баҳсларида 100 метрни 11,31 сония ичида ортда қолдирган Гузал Хуббиевага яна олтин медал таъин этилди. Баландликка сакраш баҳсларида Надежда Дўсиновага олтин, Светлана Радзевицкага бронза, уч хатлаб сакрашда Александра Котляровага кумуш, 800 метрга югуришда Ирина Морозга бронза медаллари таъин этилган юртимизда енгил атлетика жадаллик билан ривожланаётганини яққол исботлайди.

Акбар Йўлдошев

УЗГИДРОМЕТ
ХАБАР ҚИЛАДИ
Республика ҳудуди бўйича ҳаво ўзағариб туради, ёмғир ёқади. Мамақалдиқроқ бўлиши мумкин. Фарбдан секундида 7-12 метр тезликда эсаётган шамол кучайиб, секундида 15-20 метрга етади. Ҳарорат кечаси — 11-16, кундузи — 22-27 даража иссиқ бўлади.
Узгидрометнинг мониторинг хизмати маълумотига кўра, 16 июнда Тошкент шаҳри об-ҳаво шароити шаҳар ҳаво муҳитида зарарли моддаларнинг сақланиб қолишига имконият яратди, тағмиқдорли наст бўлади.

Бош муҳаррир
Акмал АКРОМОВ
Манзилимиз: 100029,
Тошкент шаҳри,
Матбуотчилар кўчаси, 32
МУАССИС: ТОШКЕНТ ШАҲАР
ҲОКИМИЛИГИ

ТЕЛЕФОНЛАР:
Эълолар: 233-28-95,
236-57-65. факс: (371) 232-11-39.
Душанба, сешанба, чоршанба, пайшанба
ва жума кунлари чиқади.
Нашр кўрсаткичи — 563
ISSN 2010-9229

Газета Тошкент шаҳар
Матбуот ва ахборот
бошқармасида 02-1-рақам
билан рўйхатга олинган.
Ҳажми — 2 босма табоқ,
офсет усулида босилади.
3883 тиража босилади.
Қозоқ бешми А-2

Нашрни етказиб бериш масалалари бўйича турар жойлардаги почта бўлимларига ёки «Тошкент почтамини»га — 233-74-05 телефонига мурожаат қилишингиз мумкин.
Газета таҳририят компьютер марказида терилди ва саҳифаланди.
Нашр учун масъул Д. Исроилов
«Шарқ» нашриёт-матбос акциядорлик компанияси бошқармаси. Корхона манзили: Буюк Турон кўчаси, 41-уй.